

1. NAUNAIYAUTAINIK

Havaaq Numpaa.	Havaap Atia	Atanguyam Havaanga	Kinnauyaliqiyit. Nappaa
	Atiliuqhimayuq Ihumaliqhimayunut Munaqh	Atanguyaq, Ihumaliqiyit	
Havagviat	Havagviat/Avikturiani	Nunallaaq	Nayugaa
Munaqhiliqiyit			

2. HULINIAKTUT

Pidjutigiplugu havaakhaqatut, havaariyakhainut qanurikhainutlu.

Hivunikhaliugutaa haffuma havaap tunihiluni agniyumik ayuittiaqnikkut ihumaliqinikkut munaqhini attautinun tamainun ukiuqaqtunun uvalu ilanun nunallaap aktilaanganun. Ataani pitquidjutaanun Atanguyap anulakhautikharni Atuqtauyup uvaluuniin tikuaqtauhimayut, havaktukhaq havakluni avalitumik ayuittiaqnikkut atiliuqhimayuq havakti nunallaami tunihiluni taiyauhimayunik kivgaqtuutunik attautinun piqaqtunik ihumakkuq aaniagutunik uvalu/uvaluuniik ayuqhautunik, tadjamin ayuqhautit ipigalaiqnikkut uvalu inminiigahuaqnikkut ihumayut/uuktuqtut. Una ilauyuq pittailidjutikhat, hatumiaqnikkut uvalu ilihaidjutikkut hulidjutit akhuugutigilugu ihumakkuq inuuhiqattiaqniq uvalu ikiliyuumiqlugit qayangnautit pidjutait, ayungnautit uvalu uumiguhukniqmunlu. Una havaktukhaq pilugit taimaita ilauyut havaktakhat uvalu munagiyakhat havaktauyut hapiqhimitumik, ihumaliugutigihimitumik, nagliguhuknikkut pihimalugit. Ilaliutihimayuq, una havaaq munagidjutiqaqtuq ublumimun ubluni tutqikhainiqmik hivungani nunamini Ihumaliqinikkut Kivgaqtuutunik Iligiit ilauyut ikayuutikhanik, maligahanik uvalu atugahanik.

3. AKTILAANGA

Naunaiyaqlugu qanuq havaaghaq tunihiyuq hapkununga uvalu hulaqutiniinun haffumunga havakvikmun.

Anginia kivgaqtuutit attautinun kitut ayuqhautiqaligtut ihumakku aaniagutunik/ayuqhautunik, ipigalaiqnikkut uvalu aulahimaanginaqtut ayuqhautit ilauyut, kihimi kikliqangitut hapkununga:

- Munaqhiyut atuquyait uvalu hivungani kivgaqtuqtut,
- Pidjutinun munaqhijutit, katimadjutit, uvalu ihivgiugutit ilauyut hapkununga ihumaliqinikkut uvalu havautinun, ilauyut nunallaat uvalu aaniaqtumun uqaudjiniq,
- Hivuliqmik ihumaliqinikkut uvalu aulahimaagtumik ihivgiugutit aaniaqtunun, tuqikhainiq uvalu pitquyauyut hapkununga/uqaqtigiblugit nunallaami daatit uvalu ihumaliqiyit,
- Havautituqtitiniqmun, havautikhait munagiblugit uvalu havautikhainik munagidjutinik,
- Munagiblugit uvalu ihivgiuqhugit aaniaqtut haffumunga havautinun hulaqutainun uvalu alat ihuigutiyut imaa ingutaaqnikkut, ihuagungnaiqngatigut qaynangnaqtut ihuuhiqmun havautit, naunaiyautit havautituqnikkut kidjautiyut, havautinun puisiqnikkut, taimaalu.
- Havautituqnikkut munagiyauyut aaniaqtut, ihivgiugutait, mamititniq, takuffaaqhugit uvalu kinguani munagidjutikhait,
- Havakhutik, munagiblugit uvalu atuliqtitlugit attautit, mamitiidjutikhait ihumaitigut pihimayut munagidjutit aaniaqtunun,
- Ayuqhaqtunun hapmiutit, munagidjutit aaniaqtunun ataani hapkua MH Maligat,

- Ihumaaluknaiyautikkut, uqaudjiniq, katimapkaibluni, inuuhiqattiaqnikkut ilihaidjutit,
- Katitiquhugit , naunaiyaqhugit uvalu uniudjutigiblugit kihiqtitautit naunaitkutait,
- Munagidjutit haffuminga ihuinaagutainun aaniaqtut ataani Nunavunmi Ihivgiuqtit Katimayit (NRB) uvalu aulahimaaqtuq takuffaagutikhat uvalu havaqatigiblugit hapkua NRBkut,
- Nunallaamik ilihimattiaqlutik uvalu inungnun ilihablutik uvalu pittailinikkut,
- Angikliyuumiqlugu atugahaq inuunikkut uvalu inmikuuqpalianiq hapkununga inungnun ihumamikkut aaniagutilgit/ayuqhautit, aaniaqtut uqautihimaaqhugit ilihainikkut uvalu uqaudjinikku.

4. HAVAARIYAIT

Uqaglugit anginikhait havaariyakhait kitulu iniqtiqtakhariyainik havaakhaimi. Atanguyaunikkut havaaq, naunaiyaqlugit aalat havaat haffumuuna kitut havaaghat iniqtauyukhat.

Nakuuyumik piyaangani uvani havaami uvalu ikayuqhugu una hanaqidjut maligahat titiraqhimayut hapkunanga Havakviup Tautuktuumiyaaqtaanik uvalu ukpigiyainik, havaaghap havauhikhait ihivgiuqtauniaqtut Hivuliuluaqtauyunun kitunun:

***IKAYUUTIKHAMUT TUNIYUQ
HIVULIQUHUNIQ
AULAYUKHARNIK***

***NUNALLAALIQUTINUN
HAVAKVINGMI IHUAQTUMIK***

Ataaniitun naunaitun kiudjutikhaliqiyut havaamun tapkuangitlu ilauqatigiyaingit talvani Naunaituni Piumaluaqtunik Havaangit Nayugaingit:

IKAYUUTIKHAMUT TUNIYUQ:

- Kiuvigiyauluaqluni hivayaqvikhaulunilu daaktinin, nunamingni aviktuqhimayuni uvalu hilataani aviktuqhimayup, ihivgiugutikkut uvalu aaniaqtut aaniagutaitigut kangiqhidjutit;
- Havakluni ihumaliqinikkut ihivgiugutinik, ihumaitigut qanuginiitigut ihivgiugutit, inminiiqnikkut qayangnautit, naunaiyautait inuit qayangnautiqaqtut inmingnun aaniqniqmik uvalu/uvaluuniin aalat, ayuqhautikkut hatumiaqniq uvalu ihumaaluknaiyautikhainik;
- Ihuaqhailuni ihumaliqinikkut aaniaqviinik hapkununga nunallaanun ilaayunun, tuniyauyuq hapkunganga RPN/RN uvalu/uvaluuniin pulaaqhugit aaniaqtailinikkut ayuittiaqhimayut;
- Katimaqatauluni havainiqni hapkualu ihumaliqinikkut uvalu uqaqatigiblugit ihumaliqiyit ihivgiugiangani aaniaqtut uvalu uqautigilugit aaniaqtup mamitiidjutikhaanik;
- Uqaudjinikkut, atuqhugu hakugiknikkut pihimayut, aaniaqtut qitqaitigut upautiniqmik;
- Tunihiluni Ihumarluhimayutun itumik Mamitiidjutikhamik kangiqhimadjutiqaqtumik uqaudjiniqmik;
- Tunihiluni ayuqitquqnikkut uvalu/uvaluuniin naunaiyaqlugit hivuliuyukhat aalat iligiit ilaayut pidjutigiblugit inuuhiqattiaqnikkut akhuugutinik inmikuuqpalianiqmik imaa:
 - Ikayuqhugit aaniaqtut ubluni havaktakhanik, imaa maliqatilugit havautikhat
 - Ilihaidjutit aaniaqtunun mikhaagun hulidjutinun ubluni inuuniqmik
 - Tunihibluni ilihainiqmik uvalu ikayuutinik ilainun uvalu nunallaanun ilaayunun kitut ikayuqtut aaniaqtumun ihumakluknikkut aaniagutmik;
- Tunihiluni qilamiunginikkut uvalu qilamiuqnikkut ihumaliqinikkut mamitiinikkut kivgaqtuutinik;
- Ihuaqhailuni qayangnaitumik aaniaqtup nuutigutikhaanik, munaqhiuluni aaniaqviliagahuaqqat;
- Munagiblugit havautituniit malikhugit havaktauhimayut pitquyayuyut, maliguagahat, atuqhimaaqtut, qayangnautikkut havauhit uvalu titiraqhimayut uvani Munaqhitkuni;
- Pihimahimaaqlugu hiamitailinikkut tamainun aaniaqnikkut kangiqhidjutit;
- Havakhutik, munagiblugit uvalu atuliqtitlugit attautit, mamitiidjutikhait ihumaitigut pihimayut

munagidjutit aaniaqtunun;

- Kivgaqtuqhuni aaniaqtumun uqaqtiuluni;
- Tunihibluni pidjutinun munaqhidjutit hapkununga aaniaqtunun hilataani aviktuqhimayup havaqatigiblugit hapkua Havakviit hilataani Aviktuqhimayup Aulapkaiaia;
- Hivuliqhuqluni havaqatigiiknikkut hapkualu iluani hvaktut uvalu hilataani iligiit (imaa ihumaliqiyiit uvalu ipigalainnikkut iligiit, uvalu aalat aaniaqtailinikut ayuittiaqhimayut, nunallaat katimayiit, Inuit katimayiit, aaniaqtut, ilagiit taimaalu) upalungaiyailuni uvalu tunilugit kivgaqtuutit aulahimaaqtumik pihimalugit, ilauyut hivuliutilugit kivgaqtuutit, anivikhait uvalu nunallaanun upalungaiyautit (attauhiq attauhiqmun pihimayumik, attauhiq nunallaat aktilaangitigut);
- Uqaqatigilugit ayuittiaqhimayut piyakhaukpata;
- Ihuaqhainahuaqluni ihuiguuhtunik pidjutiqaqtut kivgaqtuutikkut atuqtauyut;
- Aulahimaaqtumik piyaxhat pidjutiqaqtut ayuqhautinun uvalu piimayuyut ihuaqnikkut ihuaqhaidjutikhat uvalu atuguminaqnikkut (imaa kikliqaqtunik piyaxhanik ayuittiaqnikkut pidjutikhanun);
- Tunihiluni uvalu/uvaluuniin munagittiaqlugit angiqtauhimayut ilihaidjutit ilihavikni uvalu uvani nunallaani.

NUNALLAALIQUTINUN

- Tunihiluni munaqhinikkut hivuliqhuqniqmik, ikayuqtiuluaqluni pidjutinun ayuittiaqtumik, uvalu havaqatigilugit aalat nunallaat aaniaqtailinikkut havaktit tunihinikkut nunallaanun ilitugipkaidjutit uvalu inungnun ilihainiqmik hulidjutinik (imaa katimaquyagutinun, angiqtauhimayut tuhaqtinikkut apiqhuutit, naalautikuugutit, taimaalu);
- Havaqatigiblugit nunallaat iligiit havagiamingni nunallaat ikayuutikhait uvalu ihagiagiyainik naunaiyainikkut;
- Ilauqatigiikluni hapkununga timiqutiliknun katimayinun, tunihiluni hivuliqhuqniqmik piyakhagaqat;
- Havakluni nunallaanun iligiikniqmik (imaa Inuliqiyit, Pilihimat Haamlat, Iningnikhat, Igluliqiyiit Ktimayiit, Ihuinaaqhimayunut Uqaudjuiyi, Ilihaqviit Atanguyait havaktiitlu).

HIVULIQHUQNIQ

- Tunihiluni hivuliqhuqniqmik uvalu ayuqiqtuiniqmik iligiiknun ilauyunun;
- Pihimaluni tapkua havaktut inmilu, idjuhiqaqlutik pihimayumik pittiaqniqmik tamaat, malikhugit GNkut Maligahait;
- Akhuugutigilugu ihuaqtumik ilihaqniqmik avatinginik humi havaktut akhuuqhayaayut ilaulutik aulahimaaqtumik ilihaqniqmik;
- Tiguaqhimalugu nakuuyumik havakviup avatingit;
- Uqaqtiuluni haffumani havakviup havauhikhaanik hapkununga iligiit ayuqhautainik;

HAVAKVINGMI IHUAQTUMIK AULAYUKHARNIK

- Katimaqatigilugit iligiit havainiqmi pihimayumik uvalu ihagiagiyaukpat tutqikhaqlugit iligiit hulidjutait;
- Munagiblugit iligiit inuuhiqattiaqnikkut/ihumaliqinikkut uvalu ihuaqtumik hulidjutikhanik piyakhagaqat;
- Pihimalugit pidjutit titiraqhimalugit iniqhimayumik haffumuuna qilamik pihimalugit;
- Upalungaiyailuni unjudjutinik piyakaqata ilauyut ihuaqhainikkut uvalu tunihinikkut kihiqtitautinik naunaitkutinik;
- Pihimalugit nayugait piqutait ihuaqtumik munagiyayut, nayugait uvalu tamayait ihuaqtumik pihimayayut;
- Havakluni titiraqhimayunik ihivgiugutinik uvalu naunaiyailuni hunanik hulidjutikhanik atanguyaminun;

- Aulaluni ihuaqtumik hanaqidjutikharnik havagiaqaqtun ikaaknikkut aulanikkut maniliqinikkut uniudjutinik uvaluuniin atugahanik;
- Munagiblugit ikaangniit uvalu havagiaqtuqataqtut;
- Pihimaluni akhuuqnikkut uvalu munaginikkut akiliqtuinqmik ataani amigaitut munagiyayuyut;
- Pihimaluni tapkua iligiit malihugit tamaita Aaniaqtailinikkut uvalu Qayangnautikkut piyakhat, maliguagahat uvalu havauhiit uvalu maligat ihuaqtumik pittailidjutit aaniqniqmun uvalu havakvikmi hivuuganaqtut.

Ihuaqhautigilugit uvalu atuliqlugit Inuit Inuuqatigiiknikkut Akhuurutigiyangit munaqidjutinun kivgaqtuutit imaatun;

- Pittiaqhugit aalat, uqaudjinikkut aadjikiiklugit uvalu inuuqatigiiknikkut ihuaqhiyuumigutit, ilauqatigiikniq nunallaanun hulidjutinunlu, nutaanik piliurniq ikayuutautiyumiklu.

5. QAUYIMAYAIT, AYUNGINIIT UVALU PILAAQTAIT

Uqaglugit puqtuniinik qauyimayarnik, havaarivakhimayarnik pittaaqtarniklu pitquyahimayunik nakuuyumik havaariyarnut havautikharnik.

- Ilihaqhimayainik Atiliuqhimayuyq Munaqhi uvaluuniin Atiliuqhimayuyq Munaqhi (unaluaq Naunaitkutiqaqtuq Ihumaliqinikkut) uvalu Atiliuqhimayuyq haffuminga ayuittiaqnikkut ataniudjutikkut timi nakuuyumik pidjutiqaqtuq, malikhugit tamaita Maligaliqinikkut uvalu ukpiginikkut atugahat;
- Mikiniqhaq pingahut ukiut ihumaliqinikkut munaqhiniq atuqhimayuyq (ukuatluat talimanik ukiunik ihumaliqiniqmik munaqhiniqmik atuqhimayaminik);
- Ilihimattiaqniq haffuminga Ihumaliqinikkut ayuqhautinik/aaniagutinik, ipigalainiq, atuqhimaatut ayuqhautit, inminiiqnikkut, ilagiit ningaqqnikkut, uvalu ilauyut pidjutit nakuutqiatigut atuqlugit uvalu ikayuutit quqlukhimanikkut/PST, ipigalainikkut uvalu aulahimaatut ayuqhautit;
- Ilihimalugu nutaatqiaq DSM;
- Ayuittukhaq havagiami amihunik aadlatqinguyumik pihimayut;
- Havagiikhimavakhimayuyq hivulliqtiuvakhimayuyq iliqatigiiktunik munarhiliqivingmi ayuittiagiikhimayunik;
- Ilihimattiaqlugit ilauqatigiiknikkut havauhiit taimaalu pidjutaungmata iligiiknikkkut ihuatqiyaukmat;
- Ayuittiaqhimaluni tunihiniqmik hakugikniitigut pihimalugit, aaniaqtut qitqaniini ihuaqtumik upautiniq tapkua ilauyut havaqatigilugit tamaita ukiungitigut ilauyut tamatkiumayumik ihivgiuqngit, aaniaqviliaqtukhat havauhiit, aaniaqtut kivgaqtuutikkut upalungaiyautit;
- Atuqhimaluni piyaaqniqmik nunallaat ikayuutikhainik, aviktuqhimayunun uvalu kanatami katimayit havaqatigilugit hilataanilu aviktuqhimayuyq;
- Ilimalugit maligaliqidjutit, inuuhiliqiyiit uvalu nutaqanun ikayuutikkut auladjutit;
- Ilihimattiaqlugit hapkua hivunikhaliugutit pidjutauyut Maliganun uvalu Maligahat imaa Ihumaliqinikkut Aaniaqtailinikkut Maligaq, Nutaqanun Ilagiiknun Kivgaqtuutikkut Maligat, Inungnun Aaniaqtailinikkut Maligaq, Munahinikkut/Angayuqqaanullu Maligaq;
- Pihimaluni nutaanik akhaluutitutikhamik laisikaqtukhaq;
- Ilihimaluni piyaqtaungitunun ayuqhautinun hatumiaqniqmik;

- Akhuurnaqtuni Piyaquqqa Uqaqqatiqarniq;
- Ilihimaluni ihumaqluknikkut ihuaqhaidjutikhanik pidjutikhanik munagidjutikhat (PSR);
- Hungiutiluni aalanguqtinqiq uvalu aalangayut qanugilidjutit;
- Ihuaqtumik havakvium iluani upirutiaqtukhaq iliqatigiiktukharnik aulatitiyaangat ayuittiarutingnik, ilauyukharnik pigiaqaqtun havaanganik ihuaqtumik ihumaliuttiaqhimayumik havaktiluni anginirmik hiamitiqtukhaungitunik naunairutingnik amingnaqtunik qanuriliuqtunik;
- Kangikhinaqtumik uqagiaqaqtuq, titiragiaqaqtuq, ihivriugiaqaqtunik uqagiaqaqtuqlu katimayautilunik ayuittiarutingnik;
- Uqaqtaaqtluni titiraqlunilu inuinnaqtun/inuktitut piumayauluaqtuq;
- Ikaaknik munagidjutikhanik havaktauyukharniklu ayuittiagiikhimayukhaq;
- Uvani Anginaqtuni Mihingnautiaqtunik Havaaqharmi. Pitquyauhimaniquaqtuqlu naammaktumik Ihuinnaqpakhimanikkut Ihivriurutimik Titiraqmiki

6. HAVAARIYAKHAINIK QANURINNINGIT

Titiraglugit ahikkuuvikhaittut, ahianit pidjutiqaqtut havaktakhainut naunaiqtauhimayunik havaktakhainik ayukhautiaqtunik havaaniktumun. Unniqni akulaitnit, atuqtitlugu akhurnaqpiaqnia piyaunia timimun akhugutaunit, avatingit qanugitnit, pipkagiaqaqnilu inungmut ihumanut ihumaliqutinutlu piyaqaqtitninit.

Havaktughaq nigiktauyuq havakluni ikayuqtauluaqhimaitumik havagiamini. Una angiqliyuumigutiyuq unagunaqnia ilauyuq qanuginiinun, ihagiahuktuq piluni haffumani maliguagahani uvalu maligani.

Iqaiyalinikkut Aturniaqtainik

Naunaiyaglugit qanuriningit timimun unnarunaqtut aullaningitlu hivitunikhaniklu pidjutaavaktunun inuuhirmun uqumairnaqpiaktunik.

- Havagaanginaqluni hivituyunik ikangnik;
- Hivayaqtauqataqluni atuqtitlugu havangnailguq pidjutigilugit ihumaliqinikkut ayuqhautinik, qilamiuqnikkut, uvaluunin qayangnaqtut qanugiliugutit;
- ikhivagaqaqkluni, atuqtitlugit uqautiginikkut uvalu unidjutinik titiraqniqmik;
- Kahautiluni aaniagutinun uvalu hiamitiqtut aaniagutit;
- Piyaikhaqaqtuq kiviktuiluni uqumaitunik hunanik uvalu mayugaqluni tunmiqanik;
- Kahagautilunilu timip imainik;
- Piyukhaq kiuluni uvalu munagilugit ningaqniqmik/munagiyuminaitut attautit kitut pidjutauniaqtut iqaiyaqnikkut aanigutinun.

Avatingita Qanurinnirit

Naunaiglugit akhuurnaqtut havakvikhanut pidjutauniaqtun taima tamna havaktiuyuq ilauhimaarniaqtuq talvani, aulahimaarniaqtuqlu aulavikhangit tapkuninga havakvingmi aulahimaqaqtunik. Ilaqarniaqtuq havaktakharnik taima akuktauhimaarniaqtun naunaitunik havaktunik naunairutingnik tingmiyukharniklu atugiaqarmanlu.

- Tamna havaktiuniaqtuq akuktauniaqtunik ubluq tamaat amingnaqtunik hulilukaaktunik

ilauqaqtunik iqhinaqhaaqtunik mamiahuinaqtunik aanniaqtunik;

- Aulayukharnik havakvingmi havakhimaarniaqtuq;
- Pidjutiqaqniaqtuq aktuqluni halumailgumut, ihiqmun, uvalu tautuguminaitumik avatingnik attautut igluini anginiqaqtuq;
- Pidjutiqaqlunilu akhut hilatigut qanuginiitigut uvalu akhut ukiutigut qaumaniqmik;
- Piyakhaqaqtuq havakluni avaliitumik;
- Anginiqhaqmik ihuinaagutikkut. akhut unagunaqniqmik, anginiqmik quglukhimanikkut avatingit;
- Iglumiutiqaqniaqtuq GNkut havaktiinik.

Mihingnautit Aturniaqtuq

Naunaiyailugu havaaq havaktakhangit talvuuna havaaqaqtunun mihingnautiqaqtunik ihumaliuqluni kahagaqnikkut, naihaaqnikkut, tautuknikkut uvalu tuhaanikkut, uvalu ihumaliugutigilugit kayumikniit uvalu ihuaqnigut.

- Tamna havaktukhaq piyakhaqaqtuq piqaqluni, uvalu aulahimaaqtumik atuqluni havattiaqnikkut mihingnautikkut ihuaqtumik hakugikniitigut tautukniq pidjutikhaanik ihumanikkut uvaluuniin iqaiyaqnikkut aalanguqniq aaniaqtunun, uvaluuniin angikliyuumiqluni amigaqhuqniq;
- Una havaaq piyakhaqaqtuq akhut ilitugihimaqpiqaqluni tamaat pihimayuq piyaangani kangiqhilugit aaniaqtuq. Una pidjutiqaqtuq tuhaatiaqlugit uqaqnikkut naunaiyautikhat uvalu tautuknikkut ihumaliugutit uqaqhimangit tuhaqtitidjutit amihunik ilitquhiqnik pihimayut;
- Akunigaaluk ilaulukaakniaqtuq qunngiatiaqlunik ihumaliuktukharnik (taiguqtunik, titiraqtunik, havakhimaarniaqtuqlu qaritauyangmini);
- Anginiqhaqmik ilihimaniqmik avatingni uvalu qayangnautikkut pidjutiqaqtunik.

Ihumakkut Atuqtakhait

Naunaiyaqlugit qanuginiit tapkua pidjutiqaqniaqtut ihumakkut uvaluuniin ihumamun unaguutauniaqtut.

- Aulaluni ihuaqtumik atuligumi aikuuqvikhaitumik aulahimaaqtut aktuqniit qugluknaqtunik hulidjutunik uvalu qanuginiit;
- piyakhaukpat, ikayuqlugit ilagiit ilauyut kinguani ayuqhautikkut pidjutiqaqtut aktuqniq huiqnikkut attautinun hapkualu kitut piqaqniaqtuq ayuittiaqnikkut havaqatigiiknikkut;
- Pidjutiqaqtuq angiyumik inminiinqimik, ningaqnikkut uvalu aaniqnikkut Nunavunmi, piqaqtuq angiyumik pidjutiqaqniaqtuq tamaqniq aaniaqtunik kitut piqaqtut ihumakkut hulaqtunun/pidjutauyut unagunaqniit aktiilaangit;
- Ayuittiaqnikkut uvalu inmikkut avaliingaaqniq;
- Aulahimaanginaqtun havaaqhaq havaktauyukhat ayungnautivyaktunik piumaluaqtunik naunairutiqaqtun talvani ilauyukharnik havaktauyukharnik;
- Aalanguqtiqhimaqaqtuq havaaghat, hivuliuyukhat uvalu kikliqaqtuq;
- Piyakhat haffumunga piyakanun hiamitiqtukhaungit/qayangnaqtut kangiqhidjutit imaa nunallaani ilauyut angigutaitumik;
- Ihuaqtunik ihuagiyauyutlu atuqhimaqaqtangit.

7. NAUNAIYAUT TITIRAA

--	--

<hr/> Havaktiuyup Atiliurvia <hr/> Titiradjarikhilugu atia <hr/> Ublua Angiqtungta taiguqtatkallu kangikhiplugillu munariyakhatka tuniyauhimagayut havaakhamun.	<hr/> Atannguyayup Taiguhia <hr/> Atannguyayup Atiliurvia <hr/> Ublua Angiqtatka umani havaakhama naunaitkutainik itqumayut naunaiyakhimagayut munariyakhatka tuniyauhimagayut havaakhamun.
<hr/> Tukliata Atanguyap Atiliurvia <hr/> Ublua Angiqtara tuniqhaininnga una havaakhaq naunaiqhimayut hamani titiraqhimaininngani ilaliutihimagayut havakviup naunaitkutinganik.	

8. HAVAKVINGA NAUNAITKUTA

Ilaliutilugu Havaariyayukhanut Havaktikhainunlu Atiinik naunaiyakhimagayut havaaniktitauyup havaaruiyakhanik, havaqataitalu havaariyainik, tukliuyut atannguyanun havaakhat (piqaqqata) atannguyatlu havaakhat.

“Hamna qaangani titiraqhimayut piliurhimayut naunaiyariami qanuriliurninnga qanuraaluklu havaakhanga piyait tamna havagahuaqtup uumunnga havaakhamut. Tamatkiutihimaitut titirakhimagayut havaariyakhainik munariyakhainiklu huliakhainik pitquyauhimagayunik umani havaakhama”.